



*«Նոր ժամանակի կրթություն» ՀԿ*

ՀԵՐԹԱԿԱՆ ԱՏԵՍՏԱՎՈՐՄԱՆ ԵՆԹԱԿԱ  
ՈՒՍՈՒՑԻՉՆԵՐԻ ՎԵՐԱՊԱՏՐԱՍՏՄԱՆ  
ԴԱՍԸՆԹԱՑ

*ԱՎԱՐՏԱԿԱՆ ՀԵՏԱԶՈՏԱԿԱՆ  
ԱՇԽԱՏԱՆՔ*

Հետազոտության թեման՝ Վեց տարեկանների պատրաստվածությունը դպրոցին

Առարկան՝ Դասվար

Հետազոտող ուսուցիչ՝ Նալբանդյան Թերեզա

Ուսումնական հաստատություն՝ Համր Սահյանի անվան թիվ 70  
հիմնական դպրոց

*Երևան 2023*

## ԲՈՎԱՆԴԱԿՈՒԹՅՈՒՆ

Ներածություն.....	5
Գրականության ակնարկ.....	5
1. Կրտսեր դպրոցականի դպրոց ինտեգրման դժվարությունները և դրանց հաղթահարումը.....	8
2. Վեց տարեկանների հոգեկան զարգացումն ու ուսուցման կազմակերպումը.....	11
Եզրակացություն.....	15
Օգտագործված գրականության ցանկ.....	17

## ՆԵՐԱԾՈՒԹՅՈՒՆ

**Թեմայի արդիականությունը:** Դպրոցին անձնային պատրաստվածությունը ներառում է նաև որոշակի վերաբերմունք սեփական անձի նկատմամբ: Արդյունավետ ուսումնական գործունեությունը ենթադրում է ադեկվատ վերաբերմունք սեփական ընդունակությունների, աշխատանքային արդյունքների, վարքի նկատմամբ, այսինքն՝ ինքնագիտակցության զարգացվածության որոշակի մակարդակ: Դպրոցականի ինքնագնահատկանը չպետք է լինի շատ բարձր և չտարբերակված:

6 տարեկան երեխայի անձի առանձնահատկությունները լրացուցիչ դժվարություններ են առաջացնում ուսման գործընթացում: Ուսման խնդիրներին համապատասխանող ճանաչողական դրդապատճառները դեռ անկայուն և իրավիճակային են, դրա համար էլ դասերի ժամանակ երեխաների մեծամասնության մոտ այն դրդապատճառները դրսևորվում և պահպանվում են ուսուցչի ջանքերի շնորհիվ:

Նշենք, որ հոգեբանական պատրաստվածությունը դպրոցին բարդ կազմավորում է, որը պահանջում է դրդապատճառային, ինտելեկտուալ, կամային ոլորտների զարգացման բարձր մակարդակ: Սովորաբար առանձնացնում են հոգեբանական պատրաստվածության երկու ասպեկտներ՝ անձնային և ինտելեկտուալ: Երկուսն էլ կարևոր են ինչպես ուսումնական գործունեության հաջող ընթացքի, այնպես էլ նոր պայմաններին արագ հարմարման համար:

Ընդ որում նշենք, որ նոր սոցիալական դիրքի նկատմամբ երեխայի ձգտումը նախադրյալ է և հիմք կրտսեր դպրոցական տարիքում հոգեբանական շատ առանձնահատկությունների կայացման համար: Մասնավորապես, պատասխանատվությունը դպրոցական պարտականությունների կատարման համար՝ երեխան սկսում է կատարել ոչ միայն իրեն հետաքրքիր առաջադրանքները, այլև ցանկացած ուսումնական աշխատանք:

**Աշխատանքի նպատակը և խնդիրները:** Աշխատանքի նպատակն է ուսումնասիրել և ներկայացնել վեց տարեկանների պատրաստվածությունը դպրոցին:

Նշված նպատակն իրագործելու համար աշխատանքի հիմքում դրվել և լուծվել են հետևյալ հիմնական խնդիրները.

- ուսումնասիրել կրտսեր դպրոցականի դպրոց ինտեգրման դժվարությունները և դրանց հաղթահարումը,
- ներկայացնել վեց տարեկանների հոգեկան զարգացումն ու ուսուցման կազմակերպումը:

**Աշխատանքի մեթոդական և տեղեկատվական հիմքերը:** Աշխատանքում առաջադրված խնդիրների լուծման համար մեթոդական հիմք են ծառայել մի շարք հեղինակների կողմից իրականացված հետազոտությունները, հրապարակված գիտական աշխատությունները և դրանցում ներկայացված տեսակետները:

**Աշխատանքի կառուցվածքը և ծավալը:** Աշխատանքը բաղկացած է ներածությունից, երկու գլխից, եզրակացությունից և օգտագործված գրականության ցանկից:

Աշխատանքային տեքստը կազմում է 17 տպագրական էջ:

## ԳՐԱԿԱՆՈՒԹՅԱՆ ԱԿՆԱՐԿ

Մենք ապրում ենք 21-րդ դարում, որտեղ կարևորվում է դաստիարակությունը և կրթության կազմակերպման համար մանկավարժները և հոգեբանները ստիպված են լինում կիրառել նոր՝ ավելի արդյունավետ հոգեբանամանկավարժական մոտեցումներ և մեթոդներ՝ նպատակ ունենալով ուսուցման մեթոդները համապատասխանեցնել կյանքի պահանջներին:

Երեխայի դպրոցական ուսուցման նախապատրաստման հարցերն ու դրանց լուծումները արդիական և խիստ կարևոր են հոգեբանների, մանկավարժների, ծնողների, երեխաների կրթությամբ զբաղվող մասնագետների համար: Եվ դա միանգամայն հասկանալի է, քանի որ դպրոց ընդունվելը երեխայի կյանքում բեկումնային պահ է, անցում կյանքի նոր կենսաձևի և գործունեության պայմանների<sup>1</sup>:

Ուսումն ու ուսումնառությունը, որը դպրոցականի համար միանգամայն նոր կարգավիճակ է ապահովում, դառնում է պարտադիր, հասարակական նշանակություն ունեցող գործունեություն, որի համար երեխան պատասխանատվություն է կրում ընտանիքի, ուսուցիչների և դպրոցի առջև:

Հոգեբանության մեջ երեխաների դպրոցի ուսուցման պատրաստվածության հիմնախնդրին անդրադարձել են բազմաթիվ մեծանուն մանկավարժներ և հոգեբաններ, որոնց թվին են դասվում՝ Լ. Ս. Վիգոտսկին, Լ. Ի. Բոժովիչը, Ա. Վ. Չապորոժեցան, Դ. Բ. Էլկոնինան և այլք:

Առաջին անգամ այս խնդրին անդրադարձ կատարվեց 1940-ական թվականների վերջին, երբ ծնողները սկսեցին երեխաներին դպրոց ուղարկել 7 տարեկանից (նախկինում երեխաները դպրոց էին հաճախում 8 տարեկանում):

Այդ ժամանակից ի վեր երեխայի դպրոցին պատրաստվածության խնդրի ուսումնասիրումը չի դադարում վրիպել հոգեբանների և մանկավարժների աչքից: Ուսումնասիրությունների երկրորդ ալիքը սկսվեց 1983-ականներին, որտեղ կրկին ուշադրության կենտրոնում էր երեխաներին հոգեբանական պատրաստվածությունը դպրոցին:

---

<sup>1</sup>Гуткина Н.И., Психологическая готовность к школе, М., 1993, С. 87.

Հոգեբանները նշում են, որ հոգեբանական պատրաստվածությունը դպրոցին բարդ կազմավորում է, որը պահանջում է դրդապատճառային, ինտելեկտուալ, կամային ոլորտների զարգացման բարձր մակարդակ:

Վ. Ս. Մուխինան նշում է, որ դպրոցին հոգեբանական պատրաստվածության դիագնոստիկան բավական բարդ, սակայն միանգամայն լուծելի խնդիր է: Նրա խոսքով դպրոցական պատրաստվածությունը, կախված ուսման մեջ հաջող սկզբի հետ, պայմանավորում է երեխաների զարգացման առավել բարենպաստ տարբերակը<sup>2</sup>:

Ս. Ի. Գեսսելը նշում է, որ ուսուցման գործընթացում ավելի հեշտ է զարգացնել ինտելեկտուալ, քան անձնային առանձնահատկությունները: Ըստ երևույթի, դա այդպես է: Ամեն դեպքում դպրոցին անբավարար անձնային պատրաստվածության դեպքում ուսուցչի մոտ առաջանում են բավականին բարդ խնդիրներ<sup>3</sup>:

Լ. Ի. Բոժովիչը նշում է, որ որպեսզի երեխան հաջողությամբ սովորի, նա առաջին հերթին պետք է ձգտի նոր դպրոցական կյանքին: Նրա խոսքով այսպիսի ցանկության առաջացման վրա ազդում է ուսման՝ որպես կարևոր, բովանդակային գործունեության նկատմամբ, մոտիկ մեծահասակների վերաբերմունքը<sup>4</sup>:

Դպրոց ընդունվող երեխայի համար կարևոր է նաև ուսուցչի, տարիքակիցների և իր նկատմամբ վերաբերմունքը:

Ե. Ե. Կրավցովան նշում է, որ հենց յոթամյա երեխան դասարան է մտնում, նա դառնում է դպրոցական: Այս պահից սկսած խաղը նրա կյանքում աստիճանաբար կորցնում է իր առաջատար դերը, թեև շարունակում է կարևոր տեղ զբաղեցնել նրանում<sup>5</sup>:

Նրա խոսքով այս շրջանում երեխայի համար առաջատար է դառնում ուսումնական գործունեությունը, որը էական փոփոխություններ է մտցնում նրա վարքի մոտիվացիայում, և նրա իմացական ու բարոյական ուժերի զարգացման նոր աղբյուրներ է բացահայտում:

Դպրոց երեխաներին ընդունելիս, որոնց ուսումնական ծրագրերը չափազանց բարդ են, օգտագործվում են առավել բարդ մեթոդիկաներ: Վերլուծության, սինթեզի բարդ մտածական գործընթացներն ուսումնասիրվում են երեխաների կողմից ասացվածքների

<sup>2</sup>Мукина В. С., Шестилетний ребенок в школе. М.,1986, С. 74.

<sup>3</sup>Гессен С.И., Основы педагогики. М.,1995, С. 101.

<sup>4</sup>Божович Л.И., Личность и ее формирование в детском возрасте. М.,1968, С. 74.

<sup>5</sup>Кравцова Е.Е., Психологические проблемы готовности детей к обучению в школе. М.,1993, С. 45.

մեկնաբանման միջոցով: Ասացվածքների մեկնաբանման հայտնի մեթոդիկան ունի  
հետաքրքիր տարբերակ՝ առաջադրված Բյուրա Ջեյգարնիկի կողմից:

# 1. ԿՐՏՍԵՐ ԴՊՐՈՑԱԿԱՆԻ ԴՊՐՈՑ ԻՆՏԵԳՐՄԱՆ ԴԺՎԱՐՈՒԹՅՈՒՆՆԵՐԸ ԵՎ ԴՐԱՆՑ ՀԱՂԹԱՀԱՐՈՒՄԸ

Հոգեբանական պատրաստվածությունը դպրոցին բարդ կազմավորում է, որը պահանջում է դրդապատճառային, ինտելեկտուալ, կամային ոլորտների զարգացման բարձր մակարդակ: Սովորաբար առանձնացնում են հոգեբանական պատրաստվածության երկու ասպեկտներ՝ անձնային և ինտելեկտուալ: Երկուսն էլ կարևոր են ինչպես ուսումնական գործունեության հաջող ընթացքի, այնպես էլ նոր պայմաններին արագ հարմարման համար:

Դպրոցին անձնային պատրաստվածությունը ներառում է որոշակի վերաբերմունք սեփական անձի նկատմամբ: Արդյունավետ ուսումնական գործունեությունը ենթադրում է ադեկվատ վերաբերմունք սեփական ընդունակությունների, աշխատանքային արդյունքների, վարքի նկատմամբ, այսինքն՝ ինքնագիտակցության զարգացվածության որոշակի մակարդակ: Դպրոցականի ինքնագնահատականը չպետք է լինի շատ բարձր և չտարբերակված:

Դպրոցին երեխայի պատրաստվածության մասին սովորաբար դատում են խմբային աշխատանքներում նրա վարքով: Այստեղ շատ կարևոր է և երեխայի կամային ոլորտի զարգացման առանձնահատկությունների դուրս բերումը: Երեխայի վարքի կամային բնույթը դրսևորվում է ուսուցչի առաջադրած պահանջների, կանոնների կատարման ժամանակ: Դրա համար էլ երեխայի կամային վարքի առանձնահատկությունները դուրս են բերվում ոչ միայն դիտման ժամանակ, այլև հատուկ մեթոդիկաների միջոցով:

Ինտելեկտուալ պատրաստվածությունը կապված է մտավոր գործընթացների զարգացման հետ. ընդհանրացնելու, օբյեկտները համեմատելու, դասակարգելու, նրանց էական առանձնահատկությունները դուրս բերելու, պատճառ-հետևանքային կապերը գտնելու, եզրակացություններ կատարելու ընդունակություններ: Երեխան պետք է ունենա լայն պատկերացումներ՝ պատկերային, տարածական, խոսքի զարգացման համապատասխան մակարդակ, ճանաչողական ակտիվություն:

Կապված որոշակի անձնային առանձնահատկությունների հետ՝ երեխաները կարող են նշանակալից դժվարություններ ունենալ դպրոցում: Ինչպես օրինակ, տազնապայնությունը, որը կայունություն է ձեռք բերում երեխայի աշխատանքով



անընդհատ դժգոհության պայմաններում: Տազնապայնության աճի և նրա հետ կապված ցածր ինքնագնահատականի պատճառով նվազում են ուսումնական ձեռքբերումները: Ստացվում է, որ երեխայի անբարենպաստ անձնային առանձնահատկություններն ուղղակիորեն ազդում են նրա ուսումնական գործունեության վրա, ինչը առաջ է բերում շրջապատողների համապատասխան բացասական ռեակցիան, որն էլ իր հերթին ուժեղացնում է երեխայի առանձնահատկությունները: Այսպիսի իրավիճակից խուսափելու համար պետք է փոխել ծնողների և ուսուցիչների գնահատականներն ու դիրքորոշումները:

Ն. Գ. Սալմինան նշում է, որ երեխան իսկապես դառնում է դպրոցական այն ժամանակ, երբ ձեռք է բերում համապատասխան ներքին դիրք: Նա ներառվում է իր համար նշանակալից ուսումնական գործունեության մեջ՝ կողմորոշվելով այն բանի հասարակական արժեքի վրա, ինչ անում է<sup>6</sup>:

Երեխայի դպրոցին հոգեբանական պատրաստվածության բաղադրիչներն են.

1. մոտիվացիան (հարմարումը),
2. ուսումնական խնդիրը,
3. ուսումնական օպերացիաները:

Առաջին բաղադրիչը մոտիվացիան է: Ուսումնական գործունեությունը բազմադրդապատճառականցված է, որը դրդվում և ուղղորդվում է ուսումնական տարբեր դրդապատճառներով: Նրանցում կան դրդապատճառեր՝ առավել աղեկվատ ուսումնական խնդիրներին՝ եթե նրանք ձևավորվում են աշակերտի մոտ, նրա ուսումնական գործունեությունը դառնում է արդյունավետ, իմաստավորված: Լ. Բոժովիչը դրանք անվանել է ուսումնա-ճանաչողական դրդապատճառներ<sup>7</sup>: Նրանց հիմքում ընկած են ճանաչողության և ինքնագարգացման պահանջմունքները: Երեխան պետք է մոտիվացված լինի ոչ միայն ուսումնական գործունեության արդյունքով այլև հենց նրա գործընթացով: Սա նաև սեփական անձնային աճի, ինքնակատարելագործման, ընդունակությունների զարգացման դրդապատճառն է:

Երկրորդ բաղադրիչը ուսումնական խնդիրն է, այսինքն՝ առաջադրանքների համակարգը որոնց կատարման ընթացքում երեխան յուրացնում է գործողությունների

<sup>6</sup>Салмина Н.Г., Знак и символ в обучении.М., 1988, С. 71.

<sup>7</sup>Божович Л.И., Личность и его формирование в детском возрасте, М.,1968, С. 59.

առավել ընդհանուր միջոցներ: Ուսումնական խնդրիրը անհրաժեշտ է տարբերել առանձին առաջադրանքներից: Սովորաբար երեխաները, լուծելով մեծ քանակությամբ կոնկրետ առաջադրանքներ, իրենք են տարերայնորեն բացահայտում նրանց լուծման ընդհանուր միջոցը, ընդ որում այն միջոցը տարբեր աշակերտների կողմից գիտակցվում է տարբեր չափով: Զարգացնող ուսուցումը ենթադրում է երեխաների և ուսուցչի կողմից խնդիրների մի մեծ խմբի լուծման միջոցի համատեղ բացահայտում և ձևակերպում: Այս դեպքում ընդհանուր միջոցը դառնում է օրինակ և հեշտ տարածվում է այդ դասի այլ առաջադրանքների վրա, ուսումնական գործունեությունը դառնում է առավել արդյունավետ, իսկ սխալներն աստիճանաբար վերանում են:

Ուսումնական օպերացիաները երրորդ բաղադրիչն են և մտնում են գործողությունների միջոցի մեջ: Օպերացիան և ուսումնական խնդիրը ուսումնական գործունեության կառուցվածքի հիմնական օղակն են: Յուրաքանչյուր ուսումնական օպերացիա պետք է մշակված լինի: Աշակերտը, կողմնորոշվելով օպերացիաների կազմում, կատարում է դրանք նյութականացված՝ ուսուցչի վերահսկողության տակ: Սովորելով դա անել զրեթե անսխալ՝ նա անցում է կատարում արտասանմանը, և վերջապես, օպերացիաների կազմի կրճատման փուլում նա արագ լուծում է խնդիրը մտքում՝ հաղորդելով ուսուցչին պատրաստի պատասխանը:

Ուսումնական գործունեությունն, ունենալով բարդ կառուցվածք, անցնում է կայացման երկարատև ուղի: Նրա զարգացումը շարունակվում է ամբողջ դպրոցական կյանքի ընթացքում, բայց հիմքերը դրվում են ուսուցման սկզբնական տարիներին: Դպրոցական ուսուցանումը տարբերվում է ոչ միայն երեխայի գործունեության հատուկ սոցիալական նշանակալիությամբ, այլև մեծերի օրինակների և գնահատականների հետ հարաբերությունների միջնորդավորվածությամբ: Այս առանձնահատկությունները, ինչպես նաև ուսումնական գործունեության յուրահատկությունը ազդում են երեխայի հոգեկան ֆունկցիաների, անձնային կազմավորումների, կամային վարքի զարգացմանը:

## 2. ՎԵՑ ՏԱՐԵԿԱՆՆԵՐԻ ՀՈԳԵԿԱՆ ԶԱՐԳԱՑՈՒՄՆ ՈՒ ՈՒՍՈՒՑՄԱՆ ԿԱԶՄԱԿԵՐՊՈՒՄԸ

Դպրոցը սոցիալ-մանկավարժական համակարգ է, որի կրթական միջավայրում աշակերտներն ինտեգրվում են ուսումնական, սոցիալ-մշակութային և հոգեբանական հարմարման արդյունքում:

Սովորողների՝ կրթական նոր միջավայրում ակտիվ ինտեգրման գործընթացում ձևավորվում են ուսումնական գործունեության արդյունավետ իրականացման նոր կարողություններն ու հմտությունները, խմբային և անհատական ուսումնահետազոտական աշխատանքի ձևերի յուրացումը:

Ակնհայտ է, որ դպրոցի մանկավարժական կարևորագույն խնդիրն է հատկապես առաջին դասարանցիների հետ աշխատանքը՝ ուղղված նոր համակարգում նրանց արագ և արդյունավետ ինտեգրմանը, սոցիալական հարաբերությունների նոր համակարգում հարմարմանը, սոցիալական նոր դերի յուրացմանը:

Դպրոցի խնդիրն է սովորողի համար կենսական այդ բարդ փուլում աջակցել նրան՝ ուսուցման նոր պայմաններում որքան հնարավոր է արագ ինտեգրվելու աշակերտության շարքերում: Չնայած նպատակային, բովանդակային և գործընթացային բաղադրատարրերում գոյություն ունեցող տարբերություններին՝ կրթական յուրաքանչյուր աստիճանում հարմարման և ինտեգրման գործընթացները բնութագրվում են ընդհանուր և առանձնահատուկ տարբերություններով, որոնք արտացոլում են կրթական տարբեր աստիճանների կապակցվածության, շարունակականության և սահուն անցման հիմնախնդիրը:

*Դպրոցական կյանքի առաջին շրջանում են ձևավորվում կրթական դրդապատճառները, որոնք հիմնվում են արժեքային կողմնորոշումների, կենսական իդեալների, պահանջումների վրա:* Այս տարիքում կենսական ներուժը կենտրոնանում է նոր փոխհարաբերությունների, շփումների, հաղորդակցական ոլորտի ընդլայնմանը, սովորողի սոցիալական դերի յուրացմանը: Սկսվում է ակտիվ կենսադիրքի, աշխարհայացքի ձևավորման շրջանը, աճում են սոցիալ-հոգեբանական և մշակութային պահանջումները<sup>8</sup>:

<sup>8</sup>Թորգոմյան Լ. Վ., Մանկավարժության ընդհանուր հիմունքներ, Եր., Տոներ, 2005, 72 էջ:

Էականորեն փոխվում է երեխաների հուզական ոլորտը: Նոր միջավայրում կոլեկտիվի ձևավորումն ընթանում է աշակերտի անհատականացման ներքին մղմամբ՝ առաջնային են դառնում նոր միջավայրում ինքնահաստատման, երբեմն մյուսներից տարբերվելու, հեղինակություն ձեռք բերելու, ինքնատիպ լինելու ցանկությունը, խմբային գործունեության մեջ իր յուրովի դերակատարումն ունենալու միտումը<sup>9</sup>:

Կրտսեր դպրոց ընդունելությունը կապված է կյանքի, գործունեության և կենցաղի էական փոփոխությունների հետ:

Ե. Գինգելը գրում է, որ *առաջին դասարանի աշակերտների հարմարումն ընթանում է մի քանի փուլերով՝ հարմարում ուսուցման նոր համակարգին, հարմարում նոր ռեժիմի փոփոխությանը, ինտեգրում նոր կոլեկտիվում*<sup>10</sup>: Դպրոցի կրթադաստիարակչական միջավայր ինտեգրման գործընթացում առկա են հետևյալ դժվարությունները.

1. կյանքի սովորական ռիթմի փոփոխությունը,
2. հուզական ապրումները՝ կապված նախադպրոցական, խաղային կոլեկտիվից հեռանալու հետ,
3. նոր պայմաններում խաղի, հանգստի և ուսուցման օպտիմալ ռեժիմի պահպանման կարողությունների ոչ բավականաչափ ձևավորվածությունը,
4. ինքնակառավարման ցածր մակարդակը,
5. ուսումնական գործունեությամբ ծանրաբեռնվածությունը, որը շատ հաճախ նյարդահոգեկան լարվածություն է առաջացնում,
6. տեղեկատվական հոսքի մեջ կողմնորոշվելու հետ կապված դժվարությունը,
7. համադասարանցիների և ուսուցիչների ներկայությամբ հրապարակավ ելույթ ունենալու վախը, կաշկանդվածությունը, հաղորդակցման հմտությունների պակասը, համադասարանցիների և ուսուցիչների հետ հաղորդակցման, հարաբերություններ ձևավորելու անվճռականությունը,
8. նոր միջավայրում հոգեբանական անհարմարավետությունը, հաճախումների ամենօրյա վերահսկողության գործընթացից դժգոհությունը և այլն:

Բնականաբար, նշված դժվարություններն ի հայտ են բերում ֆիզիոլոգիական, կենսաբանական, սոցիալ-մշակութային և հոգեբանական բազմաթիվ գործոններ, որոնք

<sup>9</sup>Азаров Ю., Студент: возможности личного роста. Высшее образование в России, 2002, N1, С. 50.

<sup>10</sup>Гингель Е., Диалог как фактор адаптации первокурсников. Высшее образование в России, 2007, N 9, С. 158.

Էական փոփոխություններ են առաջացնում երեխաների վարքի և գործունեության՝ տարիների ընթացքում ձևավորված կարծրատիպերի մեջ: Քանի որ միջավայրի և գործունեության ձևերի փոփոխությունը բարդ գործընթաց է, ապա նրանում առանձնացվում են այդ միջավայրում ինտեգրման և հարմարման՝ միմյանց հաջորդող մի քանի փուլեր և շրջաններ:

Ի. Ն. Սիմասկան *առանձնացնում է կրթական գործընթացում սովորողների հարմարման հետևյալ փուլերը՝ ֆիզիոլոգիական (մոտ երկու շաբաթ), հոգեբանական (մոտ երկու ամիս), սոցիալ-հոգեբանական (մինչև երեք տարի)<sup>11</sup>: Օ. Վ. Գլինկինան *առաջադրում է սովորողների հարմարման երեք փուլ՝ նախնական, ընդհանուր և առարկայական-մասնագիտական<sup>12</sup>:**

Ա. Յու. Պետրովն *առանձնացնում է սոցիալ-մշակութային նոր միջավայրում առաջին դասարանցու հարմարման հետևյալ փուլերը.*

1. Նախնական փուլ՝ անհատը կամ խումբը գիտակցում է, որ պետք է համապատասխան վարքագիծ դրսևորի նոր միջավայրում, սակայն դեռևս պատրաստ չէ այդ միջավայրում ընդունված նորմերն ու արժեքներն ընդունելու:
2. Խմբի անդամները դրսևորում են փոխըմբռնում և փոխադարձ հանդուրժողականություն միմյանց վարքի նկատմամբ:
3. Ակկոմոդացիա, այսինքն՝ անհատն ընդունում է նոր միջավայրում ընդունված որոշ արժեքներ և նորմեր, դրսևորում նոր խնդիրներին, պահանջներին համապատասխան վարք:
4. Ասիմիլյացիա, այսինքն՝ խմբի, անհատի և միջավայրի արժեքների լիակատար համընկնում<sup>13</sup>:

Հոգեբանական տեսանկյունից կրթական միջավայրում հարմարման գործընթացն իրականանում է չորս փուլով:

Առաջին՝ նախապատրաստական փուլը կապված է առաջին դասարանցու ինքնորոշման և հոգեբանական պատրաստության ձևավորվածության հետ՝ հաղթահարելու համար դպրոցում հարմարման առաջին շրջանում առկա

<sup>11</sup>Симаева И. Н., Динамика эмоционально – чувственного состояния личности в процессе адаптации к деятельности, Калининград, Изд–во КГУ, 2002, С. 129.

<sup>12</sup>Глинкина О. В., Адаптация первокурсника. Профессиональное образование, 2002, N9, С. 12–16.

<sup>13</sup>Петров А. Ю., Профессиональная адаптация студентов вуза: Монография, Челябинск: Изд–во Чел. Академии культуры и искусства, 2004, С. 185.

դժվարությունները: Երկրորդ՝ կողմնորոշիչ փուլը կապված է տվյալ դպրոցի առանձնահատկությունների, դպրոցի ավանդույթների, ներքին կանոնների, նորմերի, պահանջների յուրացման հետ: Երրորդ՝ գնահատողական փուլում սովորողներն իմաստավորում են իրենց կրթական համոզմունքները<sup>14</sup>:

*Վ. Պ. Կոնդրատովան ղիտարկում է կրտսեր դպրոցում աշակերտների հարմարման հետևյալ երեք փուլերը.*

1. առաջին փուլում իրականանում է դպրոցի կրթական միջավայրի նոր պայմաններին օրգանիզմի պատասխան հոգեկան հակազդում, որը տարբեր անհատների համար տարբեր տևողություն ունի, սակայն հիմնականում ավարտվում է առաջին կիսամյակի ընթացքում,
2. երկրորդ փուլը ներառում է հարմարողական մեխանիզմների և հոգեկան գործընթացների վերակառուցումն ըստ միջավայրի պահանջների և ավարտվում է երկրորդ կիսամյակում,
3. երրորդ փուլը կայուն հարմարման փուլն է, երբ ավարտվում են հարմարողական հակազդումները. սովորաբար այդ փուլն ավարտվում է առաջին դասարանի վերջում<sup>15</sup>:

Մեր կարծիքով դպրոցի կրթական միջավայր ինտեգրման կարևոր պայմաններ են սովորողի հաղորդակցման մակարդակը, ուսուցչի աջակցությունը: Կարևոր են նաև սովորողի անձնային առանձնահատկությունները, հուզական ներաշխարհը, բնավորությունը, խառնվածքը, բարոյականային որակները, հետաքրքրությունները, պատկերացումները, աշխարհընկալումը, հակումները, ինքնակառավարման կարողությունը:

---

<sup>14</sup>Петров А. Ю., Նշված աշխ., էջ 186:

<sup>15</sup>Кондратова В. П., Некоторые психологические показатели адаптации студентов–первокурсников к условиям в вузе. Вопросы вузовской педагогики, психологии и дадактики, Воронеж, 1982, С. 54.

## ԵԶՐԱԿԱՑՈՒԹՅՈՒՆ

Ուսումնասիրությունների և հետազոտությունների արդյունքում հանգել ենք հետևյալ եզրահանգումներին.

- Ամփոփելով հարկ ենք համարում նշել, որ դպրոցին անձնային պատրաստվածությունը ներառում է որոշակի վերաբերմունք սեփական անձի նկատմամբ: Արդյունավետ ուսումնական գործունեությունը ենթադրում է ադեկվատ վերաբերմունք սեփական ընդունակությունների, աշխատանքային արդյունքների, վարքի նկատմամբ, այսինքն՝ ինքնագիտակցության զարգացվածության որոշակի մակարդակ: Դպրոցականի ինքնագնահատականը չպետք է լինի շատ բարձր և չտարբերակված:
- Դպրոցին երեխայի պատրաստվածության մասին սովորաբար դատում են խմբային աշխատանքներում նրա վարքով: Այստեղ շատ կարևոր է և երեխայի կամային ոլորտի զարգացման առանձնահատկությունների դուրս բերումը: Երեխայի վարքի կամային բնույթը դրսևորվում է ուսուցչի առաջադրած պահանջների, կանոնների կատարման ժամանակ: Դրա համար էլ երեխայի կամային վարքի առանձնահատկությունները դուրս են բերվում ոչ միայն դիտման ժամանակ, այլև հատուկ մեթոդիկաների միջոցով:
- Ինտելեկտուալ պատրաստվածությունը կապված է մտավոր գործընթացների զարգացման հետ. ընդհանրացնելու, օբյեկտները համեմատելու, դասակարգելու, նրանց էական առանձնահատկությունները դուրս բերելու, պատճառա-հետևանքային կապերը գտնելու, եզրակացություններ կատարելու ընդունակություններ: Երեխան պետք է ունենա լայն պատկերացումներ՝ պատկերային, տարածական, խոսքի զարգացման համապատասխան մակարդակ, ճանաչողական ակտիվություն:
- Դպրոցի խնդիրն է սովորողի համար կենսական այդ բարդ փուլում աջակցել նրան՝ ուսուցման նոր պայմաններում որքան հնարավոր է արագ ինտեգրվելու աշակերտության շարքերում: Չնայած նպատակային, բովանդակային և գործընթացային բաղադրատարրերում գոյություն ունեցող

տարբերություններին՝ կրթական յուրաքանչյուր աստիճանում հարմարման և ինտեգրման գործընթացները բնութագրվում են ընդհանուր և առանձնահատուկ տարբերություններով, որոնք արտացոլում են կրթական տարբեր աստիճանների կապակցվածության, շարունակականության և սահուն անցման հիմնախնդիրը:

- Դպրոցական կյանքի առաջին շրջանում են ձևավորվում կրթական դրդապատճառները, որոնք հիմնվում են արժեքային կողմնորոշումների, կենսական իդեալների, պահանջմունքների վրա: Այս տարիքում կենսական ներուժը կենտրոնանում է նոր փոխհարաբերությունների, շփումների, հաղորդակցական ոլորտի ընդլայնմանը, սովորողի սոցիալական դերի յուրացմանը: Մկսվում է ակտիվ կենսադիրքի, աշխարհայացքի ձևավորման շրջանը, աճում են սոցիալ-հոգեբանական և մշակութային պահանջմունքները;
- Էականորեն փոխվում է երեխաների հուզական ոլորտը: Նոր միջավայրում կոլեկտիվի ձևավորումն ընթանում է աշակերտի անհատականացման ներքին մղմամբ՝ առաջնային են դառնում նոր միջավայրում ինքնահաստատման, երբեմն մյուսներից տարբերվելու, հեղինակություն ձեռք բերելու, ինքնատիպ լինելու ցանկությունը, խմբային գործունեության մեջ իր յուրովի դերակատարումն ունենալու միտումը;



## ՕԳՏԱԳՈՐԾՎԱԾ ԳՐԱԿԱՆՈՒԹՅԱՆ ՑԱՆԿ

1. Թորգոմյան Լ. Վ., Մանկավարժության ընդհանուր հիմունքներ, Եր., Տոներ, 2005թ.:
2. Азаров Ю., Студент: возможности личного роста. Высшее образование в России, 2002, N1.
3. Божович Л.И., Личность и ее формирование в детском возрасте. М.,1968.
4. Гуткина Н.И., Психологическая готовность к школе, М., 1993.
5. Гессен С.И., Основы педагогики. М.,1995.
6. Гингель Е., Диалог как фактор адаптации первокурсников. Высшее образование в России, 2007, N 9.
7. Глинкина О. В., Адаптация первокурсника. Профессиональное образование, 2002, N9.
8. Кравцова Е.Е., Психологические проблемы готовности детей к обучению в школе. М.,1993.
9. Кондратова В. П., Некоторые психологические показатели адаптации студентов–первокурсников к условиям в вузе. Вопросы вузовской педагогики, психологии и дадактики, Воронеж, 1982.
10. Мухина В. С., Шестилетний ребенок в школе. М.,1986.
11. Петров А. Ю., Профессиональная адаптация студентов вуза: Монография, Челябинск: Изд–во Чел. Академии культуры и искусства, 2004.
12. Салмина Н.Г., Знак и символ в обучении.М., 1988.
13. Симаева И. Н., Динамика эмоционально – чувственного состояния личности в процессе адаптации к деятельности, Калининград, Изд–во КГУ, 2002.